

ALZO-CO NECAZARI MANUEL ANTONIO IMAZ-EC

MISIO SANTUA IZAN DUTEN ERRICO CRISTAUAI.

1.
Erriyan izan degun
Misio santuac,
Emango ditu frutu
Guciz gozuac:
Jaungoicoaren ministro
Misioneruac
Ederqui esan digu,
Utzi biciyuac,
Ta emengo gustuac:
Ez izan zoruac,
Bada Jaungoicoac
Nai gaitu cintzuac,
Nola esango duten
Nere bersoac.

2.
Espiritu Santua
Nator zuregana,
Jaquiñic laguntzalle
Ona cerana:
Gracia bat indazu
Escatzen dedana,
Canta onac jartzeo
Conbeni zaidana,
Para nai det plana
Bicitza on bana
Eraguin dezana,
Guero zori ona,
Eguiten bada emen
Aguintzen dana.

3.
Umeen eriantza ta
Guero nola bici,
Cantuan nai nituzque
Adieraci:
Lenengo batayoa
Beintzat ar-eraci,
Griña charrie badacar
Laster galeraci,
Aditu Imaz-i
Cuidadotan aci,
Ez nola nai utzi
Mantendu ta jantzi,
Dotriña onarequin
Gazteric eci.

4.
Gurasoac aurracquin
Neque asco ditu,
Umeac guero bear
Corresponditu:
Zartuac bajaiza ta
Flaqueza oi ditu,
Pacienciarequin
Gucia sufritu,
Humill obeditu,
Izquetan cumplitu,
Obraz socorritu,
Honrac añaditu,
Ala ere zorretan
Oi da guelditu.

5.
Etsai gaizto orieci
Daude gallarduac,
Araguia libre ta
Pompac munduac:
Contuz ezipagabiltza
Guerade galduac,
Ezagutu ditzagun
Gueren estaduac,
Atera contuac,
Badatoz orduac,
Artzeo carguac
Jaungoico justuac,
Nola eguin ditugun
Are agiunduac.

6.
Pecatu Jaunaren
Contra da sortua,
Eguiten duana da
Gorrotatua:
Jauna gaudi guelditzen
Da apartatua,
Infernucio bidean
Aurrera sartua,
Deabruac artua,
Desgraciatua,
Sentenciatua,
Madaricatua,
Ezbada conbertitzen
Condenatua.

7.
Mancha quendu nai badu
Pecatuarena,
Ondo confesatzeco
Degu ordena;
Concienciarena
Examiña aurrena,
Danu eguiatzeco
Culpa guciena,
Propositu ona,
Aitormen zucena
Confesoreagana,
Cumpli are esana
Garbi guelditzen da
Au eguiñ duana.

8.
Conciencia ondo
Aurrena garbitu,
Guero Jaun divinoa
Errecibitu;
Facultade aundiac
Are berequiñ ditu,
Obra on oyetara
Ez inor naguitu,
Lembailen muguitu,
Berari seguitu,
Arrequiñ unitu,
Berequiñ guelditu,
Alá graciaz ondo
Beteco gaitu.

9.
Jayotzen dan guciac
Zor du eriotza,
Orree consolatutzen
Ez du biotza;
Noiz, nola, nun jaquiñ-ez,
Ichumen, tristeza,
Ilda noraco gueran
Ordago zalantza,
Onena dan gauza
Etsayari baza
Irabaci beza,
Orduan bai poza,
Anima garbi ta alái
Entrega beza.

10.
Juicioa daucagu
Il da bereala,
Ez pensatu au gabe
Libre guerala:
Obra on eta charrac
Anche ditugula,
Juzgatzen egongo da
Juez erreala,
Beguir dagoala
Etsai infernala,
¡A cer tribunala
Justu ta formala!
Sentenciatuco da
Bear becala.

11.
Pecatu mortalean
Emen iltzen danac
Infernuan pasatu
Bearco penac:
Aundiac eta beti
Iraungo dutenac,
¡Ah cer paraderoa
Gaizqui dabillenac,
Utzeguín zuanac,
Instanteac joanac
Zucentzeco lanac,
Orra modu onac,
Esperantza bat ez du
An dagoanac!!

12.
Tribunal artan ongui
Bada ateratzen,
Seculaco dicha du
Aseguratzen:
Ta purgatoriuan
Ez bada guertzen,
Pecatuaren zorrac
Oso pagatutzen,
Cervan da zucen
Jauna alabatzen
Eta artaz gozatzen,
Saya gaitecen
Bacoitzac bere anima
Garbi gordetzen.

13.
Purgatorio artaz
Itzeguiñ nai nuque,
An dagoan gaisoac
Irtien nai luque;
Batez ere plazoa
Lucea baluque,
Anche badago cembait
Pena eta neque,
Berac ez dezaque,
Ta guc baguentzake,
Guri daude esque,
Cu ere juan guintezque,
Ordañetan libratzen
Saya gaitezque.

14.
Salbatzeo ez guera
Cembait ondo ari,
Barcatu nai ecican
Gaizquilleari:
Gorrotodun citalac
Bagaude ugari,
Bengantza eguiteco
Gaitz nai digunari,
Guc projimoari
Becela diruri
Jaungoicoa guri
Barcacio ori,
Ala escatu cion
Cristoc Aitari.

15.
Munduan eguiteco
Bicitza on bana,
Alcar amatutzea
Da bear dana:
Lagunac serbitzea
Cariñozeo lana,
Inñori opa berac
Gaizqui dabillenac,
Besteac gugana
Ta guc ayegana
Borondate ona,
Ez laburtu cana,
Au da dotriña Cristoc
Maite daucana.

16.
Perseguitzen gaituzte
Animen etsayac,
Munduac, demonio
Ta araguiac:
Pecatu capitalac
Gueroquin guciac,
Mendean artu gaitu
Ia soberbiac,
Ta avariñac,
Su du lujuriac,
Irac, envidiac,
Gula itsusiñac,
Eta birtuteraco
Gaude nagiñac.

17.

Nore bere soberbia
Ondo humillatu,
Desordenan gauzaric
Ez deseatu:
Lujuriaren sua
Asco castigatu,
Ez ira, ez venganza,
Paciencia artu,
Ta gula templatu,
Ez enbidiatu,
Caridadea amatu,
Naguiac ascartu,
Diligenciatic eguiñ
Nola salbatu.†

18.

Gure Juez arc ez du
Testigu bearrie,
Juzgatzeco asco da
Bera bacarrie:
Ez da engañatuco
Duan aiiñ azcarrie,
Ez dio iñore sartzen

Eguitzat guezurric,
Zucentzat oquerrie,
Biguntzat gogorric,
Ezdago bildurric,
Nai arren alperrie,
Impernura, duana
Culpa mortalic.

19.

¶ Eternidadea da
Arrigarri dana,
Lucean caburican
Ez daducana;
Izate bat beñere
Aituco ezdana,
Guc ere ala degu
Animacho bana,
; Jesucristo Jauna!
Jabe zaituguna,
Aguintzen dezuna
Bici lecu ona,
Setico logratzera
Gatoz zugana.

20.

Cristo zorionean
Etorri citzaigun,
Eracnstera nola
Bici biagun:
José eta Maria
Ere gure lagun,
Cec amparatzalleac
Irurac dauzeagun,
Cembat zer diegun,
Pensatu dezagun,
Esca degniegun
Beti gau ta egun
Etsai guciac ala
Benei ditzagun.

21.

Obra onac errezo
Ta caridadeac,
Misericordia ta
Piedadeac,
Guardatzen dirala
Jaunaren legueac,
Dirua baño oec

Gueroeco oheac:
Bay, cristau nereac,
Au dacar fedeac,
Orla eguiteac,
Cecura bidac,
Zorion beticoa
Santidadeac.

22.

Estadu asco daude
Guc escogitzeco,
Nai bada libre bici
Naiz escontzeco:
Sacerdote orobat
Naiz monja sartzeco,
Conbeni dana artu
Nore nai beretzaco,
Jauna serbitzeco,
Eta amatzeco,
Justu bieitzeco,
Gracian iltzeco
AMEN, betico dicha
Alcantatzeco.